



Regionalni centar Tuzla

Broj: 02/6-1/II-07-1-1-2/10
Tuzla, 05.01.2011. godine

Na osnovu člana 66. Zakona o porezu na dodatu vrijednost ("Službeni glasnik BiH", br. 9/05,35/05 i 100/08), člana 127. Pravilnika o primjeni Zakona o porezu na dodatu vrijednost ("Službeni glasnik BiH", br. 93/05, 21/06, 60/06, 6/07,100/07, 35/08 i 65/10), te člana 8. Instrukcije o postupku uvođenju posebne šeme dužnika ("Službeni glasnik BiH", broj 35/08), šef Grupe za prinudnu naplatu u Regionalnom centru Tuzla, rješavajući po službenoj dužnosti, d o n o s i

R J E Š E N J E

1. UVODI SE POSEBNA ŠEMA ZA NAPLATU PDV-a od poreznog obveznika - dužnika RUDARINVEST d.o.o., Čubrić bb, Banovići, PDV broj 209485740008.
2. Porezni obveznik - dužnik je obavezan u svoje fakture unijeti slijedeću klauzulu: **"Iznos PDV-a naveden u ovoj fakturi plaća se Upravi za indirektno oporezivanje s pozivom na PDV broj 209485740008"**.
3. PDV obveznici koji su primaoci isporuka od strane dužnika iz tačke 1. dispozitiva ovog rješenja dužni su iznos PDV-a sa fakture uplaćivati direktno Upravi za indirektno oporezivanje i to do 5. u mjesecu za prethodni porezni period. U istom roku primaoc isporuke je dužan dostaviti Upravi za indirektno oporezivanje listu sa podacima za prethodni porezni period, a koji se odnose na poreznog obveznika - dužnika prema kojem je uvedena posebna šema, sa slijedećim sadržajem:
 - iznos zadržanog PDV-a,
 - identifikacioni broj isporučioaca dobra ili usluga,
 - identifikacioni broj primaoca dobra ili usluga koji je zadržao iznos PDV-a.
4. Posebna šema se primjenjuje od dana objavljivanja ovog rješenja u "Službenom glasniku BiH".
5. Dužnik nad kojim se uvodi posebna šema RUDARINVEST d.o.o. iz Banovića obavezan je rješenje kojim se utvrđuje obaveza plaćanja po posebnoj šemi istaći u poslovnim prostorijama na vidno mjesto, zajedno s uvjerenjem o registraciji za PDV.
6. Žalba ne odlaže izvršenje rješenja.
7. Ovo rješenje će biti objavljeno u „Službenom glasniku BiH“ i u tri najčitanije dnevne novine.

O b r a z l o ž e n j e

Grupa za prinudnu naplatu u Regionalnom centru Tuzla po službenoj dužnosti, a na osnovu činjenica utvrđenih u postupku prinudne naplate PDV-a i stanja na poreznoj kartici dužnika RUDARINVEST d.o.o. iz Banovića, pokrenula je postupak uvođenja dužnika u posebnu šemu radi obezbjeđenja naplate duga po osnovu poreza na dodatu vrijednost. Dug je evidentiran na poreznoj kartici dužnika i na dan donošenja ovog rješenja iznosi ukupno 133.532,19 KM, od čega je 114.010,26 KM glavni dug, 9.996,93 KM naknadni teret prinude i 9.525,00 KM kamata.

U postupku prinudne naplate PDV-a, za svaki porezni period za koji je podnesena prijava samooporezivanja a obaveza nije izmirena u skladu sa članom 39. Zakona o PDV-u, dužniku

je izdat nalog za prinudnu naplatu na osnovu izvještaja o dugu. Pošto dužnik nije postupio po izdatim nalogima za prinudnu naplatu, a na temelju odredbe člana 45. Pravilnika o provedbi Zakona o postupku prinudne naplate indirektnih poreza ("Službeni glasnik BiH", broj 21/06 i 58/09), izdat je nalog za pljenidbu cjelokupne postojeće i buduće imovine dužnika.

Provodeći postupak prinudne naplate saglasno odredbi člana 13. Zakona o postupku prinudne naplate indirektnih poreza ("Službeni glasnik BiH", broj 89/05) nije bilo moguće vršiti pljenidbu novčanih sredstava, jer dužnik ima samo jedan blokiran račun. Dužnikova nepokretna imovina zaplijenjena je na osnovu pismene izjave o pljenidbi nepokretne imovine, a prema dostupnim podacima sva pokretna imovina zaplijenjena je od strane Porezne uprave – Kantonalni porezni ured Tuzla.

Kako kod dužnika nije pronađena druga imovina koja bi bila dovoljna da se dug namiri i kako je dužnik nastavio poslovanje ne poduzimajući mjere za izmirenje duga, usljed čega se dug kontinuirano uvećava, stekli su se uvjeti da Grupa za prinudnu naplatu, saglasno odredbama člana 66., stav (3) Zakona o porezu na dodatu vrijednost i člana 127., stav (1) Pravilnika o primjeni Zakona o porezu na dodatu vrijednost, započne postupak uvođenja posebne šeme za naplatu duga dužnika RUDARINVEST d.o.o. iz Banovića.

Na dan donošenja ovog rješenja utvrđen je iznos ukupnog duga od 133.532,19 KM po poreznim periodima kako slijedi:

Redni broj	Period na koji se dug odnosi	Broj naloga za prinudnu naplatu	Glavni dug	Naknadni teret prinude 10%	Kamata	Ukupan dug
1	april '10	02/6-1/II-16-16-153-4678/2010	17.313,26	1.731,33	2.483,00	21.527,59
2	maj '10	02/6-1/II-16-16-153-5737/2010	11.840,00	1.184,00	1.478,00	14.502,00
3	juni '10	02/6-1/II-16-16-153-6828/2010	10.343,00	1.034,30	1.105,00	12.482,30
4	juni '10		5.797,00		619,00	6.416,00
5	juli '10	02/6-1/II-16-16-153-7625/2010	17.379,00	1.737,90	1.533,00	20.649,90
6	august '10	02/6-1/II-16-16-153-8571/2010	9.877,00	987,70	687,00	11.551,70
7	august '10		4.096,00		285,00	4.381,00
8	septembar '10	02/6-1/II-16-16-153-9526/2010	10.951,00	1.095,10	559,00	12.605,10
9	septembar '10		4.148,00		212,00	4.360,00
10	oktobar '10	02/6-1/II-16-16-153-10582/2010	12.782,00	1.278,20	422,00	14.482,20
11	novembar '10	02/6-1/II-16-16-153-11634/2010	9.484,00	948,40	142,00	10.574,40
UKUPNO			114.010,26	9.996,93	9.525,00	133.532,19

Na osnovu člana 3., stav (1) i (3) Instrukcije o postupku uvođenja posebne šeme dužnika Grupi za reviziju i kontrolu u Regionalnom centru Tuzla dostavljena je inicijativa za kontrolu poreznog obveznika - dužnika s aspekta procjene kategorija iz člana 5. iste Instrukcije.

Kontrolom koja je obuhvatila sve porezne periode od 01.08.2007. do 30.09.2010. godine, kao i prikupljanjem podataka u toku postupka prinudne naplate duga, utvrđene su činjenice koje

nesumnjivo ukazuju na potrebu i opravdanost uvođenja posebne šeme za naplatu duga ovog dužnika, a posebno iz slijedećih razloga:

- u kontroliranom periodu RUDARINVEST d.o.o. iz Banovića obavljao je registrovanu djelatnost za povezanog kupca MAŠINOREMONT d.o.o. iz Banovića, a na temelju Ugovora o poslovno - tehničkoj suradnji koji je zaključen između ova dva pravna lica dana 29.08.2005. godine;
- od poreznog perioda u kojem je dužnik prestao izmirivati PDV obaveze (april 2010.) do 30.11.2010. godine, isti je kontinuirano vršio isporuke ukupne vrijednosti 967.893,00 KM (iznos bez PDV-a);
- na nekretninama poreznog obveznika - dužnika konstituisana je hipoteka radi naplate javnih prihoda u ukupnom iznosu od 4.680.795,36 KM u korist Porezne uprave - Kantonalni porezni ured Tuzla;
- uvidom u bilanse uspjeha poreznog obveznika - dužnika utvrđeno je da su ostvareni prihodi od prodaje kako slijedi:
 - za period od 01.01. do 31.12.2007. godine ukupan prihod od 1.920.317,00 KM,
 - za period od 01.01. do 31.12.2008. godine ukupan prihod od 1.685.879,00 KM,
 - za period od 01.01. do 31.12.2009. godine ukupan prihod od 1.301.786,00 KM,
 - za period od 01.01. do 30.03.2010. godine ukupan prihod od 731.734,00 KM.

Na osnovu utvrđenih činjenica saglasno odredbama člana 6., stav (1), a primjenom člana 8., stav (1) Instrukcije o postupku uvođenja posebne šeme dužnika, Grupa za prinudnu naplatu u Regionalnom centru Tuzla je dana 01.12.2010. godine dostavila dužniku RUDARINVEST d.o.o. pismo namjere broj 02/6-1/II-07-1-1-1/10, u kojem ga obavještava o iznosu duga i namjeri uvođenja posebne šeme za naplatu PDV-a u roku od 30 dana ako dužnik ne izmiri dug ili ne obezbijedi adekvatnu garanciju za plaćanje duga, kako je propisano odredbom člana 128., stav (1) i (2) Pravilnika o primjeni Zakona o porezu na dodatu vrijednost. U pismu namjere dužniku je ukazano na obaveze koje mu se stavljaju na teret uvođenjem posebne dužničke šeme, shodno odredbama člana 128., stav (3) Pravilnika o primjeni Zakona o porezu na dodatu vrijednost. Kako obveznik u ostavljenom roku nije uplatio dug ili obezbijedio adekvatnu garanciju za plaćanje duga, a dug se i dalje uvećavao u proteklih 30 dana, odlučeno je da se na ovog obveznika primijeni posebna šema radi obezbjeđenja naplate duga.

Pri donošenju odluke o uvođenju posebne šeme dužnika Grupa za prinudnu naplatu je kao odlučne činjenice cijenila: iznos duga po osnovu indirektnih poreza koji se neprekidno uvećava (za 10.000,00 KM do 18.000,00 KM mjesečno), milionski iznos duga po osnovu ostalih javnih prihoda, nemogućnost naplate poreza na dodatu vrijednost iz imovine dužnika, historijat ponašanja dužnika u protekloj godini. Kako podaci iz mjesečnih poreznih prijava ukazuju da dužnik kontinuirano vrši oporezivi promet i kako je utvrđeno da isti ima zaključen ugovor o poslovno - tehničkoj suradnji usljed čega će nastati i potraživanja, to je nespornim utvrđeno da je opravdano i neophodno uvođenje posebne šeme dužnika, pa je iz tih razloga odlučeno kao u dispozitivu ovog rješenja.

Na temelju odredbe člana 66., stav (4), a u vezi sa članom 42., stav (1) Zakona o porezu na dodatu vrijednost, porezni obveznik dužnik (isporučioc dobara i usluga) i porezni obveznici kupci (primaoci dobara i usluga) su solidarno i pojedinačno odgovorni za plaćanje PDV-a, dok se ne primi dokaz da je fakturirani PDV plaćen.

Shodno odredbama člana 66., stav (7) i člana 128., stav (4) Pravilnika o primjeni Zakona o porezu na dodatu vrijednost, ovo rješenje će biti objavljeno u „Službenom glasniku BiH“ i tri najčitanije dnevne novine, a isto je dužnik obavezan istaći u poslovnim prostorijama na vidno mjesto zajedno s uvjerenjem o registraciji za PDV.

Odredbom člana 137., stav (1) Zakona o postupku indirektnog oporezivanja („Službeni glasnik BiH“, broj 89/05), žalba ne odlaže izvršenje rješenja.

Pouka o pravnom lijeku

Protiv ovog Rješenja može se uložiti žalba prvostepenom organu u roku od 15 dana od dana prijema rješenja, neposredno ili poštom. Žalba ne podliježe plaćanju takse u skladu sa članom 12. Zakona o administrativnim taksama ("Službeni glasnik BiH", broj 16/02, 19/02, 43/04, 8/06, 76/06 i 76/07).

Dostavljeno:

1. RUDARINVEST d.o.o. Banovići
2. Grupa za reviziju i kontrolu, RC Tuzla
3. Sektor za poslovne usluge
 Odsjek za prinudnu naplatu, 2 seta
4. Odsjek za pružanje usluga, RC Tuzla
4. Grupa za prinudnu naplatu

Šef Grupe za prinudnu naplatu

Selma Salihović